

Pressiteedüs 1. veebruar 2016

Vanna Võromaad pite käümä läts' Umast Pidost kõnõlõv fotonäütüs

Umalõ teele Vanna Võromaad pite läts' Umma Pito tutvastegev fotonäütüs, mink fotodõ ja kujundusõ autor om Peeter Laurits. Näütüs kõnõlõs inemise ja luudusõ kõüdüssist – mõts ja väelidse' puu' om jo ka seo aastaga Uma Pido teema. Inemise' näütüsepilte pääl omma' paarikaupa ja mitte juhusligult, a kõnõlõsõ' näide vaihõl ka periselon olõvast suhtõst, olkõ säääl sõs oppaja opilasõga, kolleeg kolleegiga, sõsar velega vai vanõmb latsõga. Näütüst saa keväjani nätä kokko 16 Vana Võromaa ja ka mõnõn Setomaa kotussõn.

Vana Võromaa rahvas – nii Võro ku Põlva maakunnast, a niisamatõ ka Karula ja Harglõ kandi inemise' Valga maakunna poolõ päält piäs joba tiidmä, mis asi om Uma Pido. Kavvõmbast pitto tulnu rahvas unõhta-ei' taad pito nigunii ilmangi, vähembält nii omma' nä' kõnõlnu'. Niivõrra umanäolinõ ja mõjosa pidi tuu võro keeli laulminõ näile olõma, lisas viil olla' siin tunda' säänest esiärälist süälest tulõvat tunnõt uma maa, rahva ja kultuuri vasta. Neländät Umma Pitto peetäs sjool aastal 28. maikuu pääväl Põlvan Intsikurmun. Tettägu õdak vabas ja pantagu pidorõiva' valmis!

Pido ettevalmistuisi tugõ, pito avitas miilde tuvva' ja meelen pitä' üts väega süämlinõ ja vahva, põnõvidõ värvega näütüs Mõtsas mi olõmi jäänü'. Näütüse mõtõ tull' Anne Pranglilt, Peeter Lauritsalt, Aapo Ilveselt ja Triinu Ojarilt. Pildikunstnik ja teostaja om Peeter Laurits. Uma Pido säädjä Kristo Tootsi mõttõ perrä kõnõlõs sjoo aasta pido mõtsast ja väeliisist puiõst. Tuud mõtõt tugõ ka Peeter Lauritsa näütüs, midä tutvustavast jutust loemi': „*Inemise' omma' nigu puu'-kasusõ' kõrvuisi ja tugõva' ütstõist*“. Niisama saisva' ka laulja' laulupidol tävvel helül uma rõõmust, meelest ja keelest lauldõn ja tugõva' ütstõsit nigu puu' mi mõtsan, mille üle nii uhkõ' olõmi'.

Näütüs om joba müüdä Vanna Võromaad käümän, tedä om kats ütesugust – väikumban ja suurõmban mõõdun. Võru Kandlõ kohvigun ja Rõugõ Rahvamajan saa näütüst joba nätä', edespite kooni maikuuni viil ka Lüllemäel, Kanepin, Rāpinān, Antslan, Misson, Harglõn, Obinitsan, Moosten, Vana Vastsõliinan ja muiduki Põlvan. Näütüse tiikunna kottalõ tulõ edespite ka teedüst Uma Pido kodolehe pääle, blogidõ, FB lehele.

Mano omma' pant pildi' näütüseruumist Rõugõ rahvamajan. Pilte autor om Martin Mark.

Siiri Toomik
Näituse korraldaja
tel 517 88 27
siiri55@gmail.com
www.umapido.ee

